


Tafsiira Suuratu Al-Ankabuut-Kutaa 6

Description

Jireenyi Lammataa Maaliif Barbaachistee?

Namni xinxallu akkana jechuun of gaafata: Rabbiin maaliif jireenya lammataatiif namoota kaasaa? Namni kuni suuratu Al-Ankabuut irraa aayata duraan barate irraa akkana jechuun deebii deebisa: Rabbiin azza wa jalla karoora uuminsaa keessatti jireenya addunyaa tanaa qormaataaf qopheesse. Jireenya lammataa immoo qorannoof, murtii dabarsuu fi jazaaj hojii irra oolchuuf qopheessee jira.

Guyyaa Murtii jazaan namoota addunyaa keessatti iddoo qormaataa kaaâ€™TMaman keessaa nama badii hojjateef adabbii isaaf malu adabuu fi nama waan gaarii hojjate badhaasu waan of keessatti qabateef itti aanse akkana jedhe:



• Nama fedhe ni adaba, nama fedhe rahmata godhaaf. Garuma Isaatti deebifamtu. • Suuratu Al-Ankabuut 29:21

Kana jechuun Rabbiin uumamtoota Isaa keessaa nama fedhe sababa inni yakka hojjateef ni adaba. Ammas isaan keessaa namoota tawbatan, amananii fi hojii gaarii hojjatan irraa nama fedheef rahmata godha. Guyyaa Qiyaamaa garuma Isaatti deebifamtu. Ergasii wanta hojjataniin jazaaj isiniif kafala.[\[1\]](#) Kanaafu, addunyaa tana keessatti wanta rahmata Isaatti nama geessu hojjadhaa, wanta adabbii Isaatti nama geessu irraas fagaadhaa.

• Nama fedhe • yommuu jedhu, fedhiin Isaa ogummaan (hikmaan) kan walitti hidhameedha. Sababni isaas, Rabbiin subhaanahu wa taâ€™TMaalaa waan fedheef qofa wanta tokko hin hojjatu. Kana irra, wanta hojjatu hunda keessatti fedhiin Isaa ogummaan kan walitti hidhameedha. Kuni dhimma ifa taâ€™TMeedha. Namni adabamu wanta adabbiif isa saaxilu hojjachuun isaa hin hafu. Yeroo kanatti, ogummaan (hikmaan) isa adabu taâ€™TMa. Rabbiin subhaanahu wa taâ€™TMaalaa badii tokko malee nama fedhe hin adabu. Sababni isaas, hikmaa fi rahmanni Isaa kana ni dida.

• Nama fedhe ni adaba • kuni ogummaan (hikmaan) akka walitti hidhamu dubbanne jirra. Kanaafu, nama adabbiin isaaf malu malee hin adabu.[\[2\]](#)

Ogummaa (hikmaa) jechuun wanta hundaa bakka isaaf malu kaaâ€™TMuudha. Nama adabbiin isaaf malu adabuun, nama rahmanni isaaf maluuf rahmata gochuun hikmaadha. Kanaafu, adabbiis bakka isaaf malu kaaâ€™TMe, rahmatas bakka isaaf malu kaaâ€™TMe.

Rabbiin Jalaa Miliquu Hin Dandeessan

وَمَا أَنْتُمْ بِمُعْجِزِينَ فِي الْأَرْضِ وَلَا فِي السَّمَاءِ وَمَا لَكُمْ مِنْ
دُونِ اللَّهِ مِنْ وَلِيٍّ وَلَا نَصِيرٍ ﴿٢٢﴾

â€œIsin dachii keessattis taâ€™TMee samii keessatti [Rabbiin] hin dadhabsiiftan. Rabbiin alatti isiniif tiiksaa fi gargaaraan hin jiru.â€• Suuratu Al-Ankabuut 29:22

Dadhabsiisaa jechuun nama tokko waa hojjachuu irraa dadhabaa akka taâ€™TMu kan taasisuudha. Asitti hiikni dadhabsiisuu-jalaa miliquudha. Kanaafu, hiikni aayah tanaa, isin dachii keessattis taâ€™TMee samii keessatti Rabbiin jalaa miliquu hin dandeessan. Yoo isin adabu fedhe, isin dhaqqaba. Sababni isaas, Rabbiin jalaa homtu hin miliqu. Rabbiin subhaanahu wa taâ€™TMaalaa ni jedha:

﴿وَمَا كَانَ اللَّهُ لِيُعْجِزَهُ مِنْ شَيْءٍ فِي السَّمَوَاتِ وَلَا فِي الْأَرْضِ
إِنَّهُ كَانَ عَلِيمًا قَدِيرًا﴾

â€œSamiiwwan keessattis taâ€™TMee dachii keessatti wanti Rabbiin dadhabsiisu (jalaa miliqu) tokkollee hin jiru. Dhugumatti, Inni Beekaa, Dandaâ€™TMaa taâ€™TMeera.â€• Suuratu Faaxir 35:44

Beeki! Rabbiin azza wa jalla adabbiin nama qabuun Isaa yeroo garii dhimmoota qaamolee miiraatiin hubatamaniin taâ€™TMa. Rabbiin oltaâ€™TMaan sababoota nuti beeknu fi arginu ni murteessa. Yeroo garii immoo dhimmoota nuti hin hubanneen taâ€™TMa. Sababa nuti hin beeknen alatti adabbiin Rabbiin irraa namatti dhufa. Fakkeenyaaf, yeroo duula Khandaq Rabbiin subhaanahu wa taâ€™TMaalaa bubbee fi loltu nuti hin argine diina gamtoomanitti erge. Bubbeen tuni okotee isaanii garagalchite, dukkaana isaanii ni buqqiste. Gamtoominna isaanii ni facaaste. Kanaafu, bubbeen sababa adabbii nuuf beekkamaa taatedha. Loltuun nuti hin argine immoo malaaykota. Osoo Rabbiin nutti beeksisuu baate, silaa hin beeknu turre.

Kanaafu, Rabbiin oltaâ€™TMaan takkaa sababoota beekkamoo ijaan mulâ€™TMataniin nama qaba takkaa immoo sababoota dhokatoo ijaan hin mulâ€™TManneen nama qaba.[\[3\]](#)

â€œIsin dachii keessattis taâ€™TMee samii keessatti [Rabbiin] hin dadhabsiiftan.â€• jechuudhaan bakka itti dheessan irraa abdii isaan murachiise. Kana jechuun dachii fi samii keessatti bakka itti dheessitanii Rabbiin jalaa itti miliqxaan hin qabdan. Gaaratti dheessun Isa jalaa hin miliqxaan. Goda keessa seenun Isa jalaa miliquu hin dandeessan. Bakka itti miliqan hundarraa erga abdii isaan murachiisee booda carraaqqi nama biraatiin adabbii Isaa jalaa bahuu irraa abdii murachisuu itti aanse dubbate[\[4\]](#): â€œRabbiin alatti isiniif tiiksaa fi gargaaraan hin jiru.â€•

Namni yakka hojjate takkaa bakka wayiitti dheessee miliqa takkaa immoo nama isa tiiksuu fi gargaaru bira deemun koola galtummaa (eeggumsa) godhata. Namni Rabbiin faallesse, ajaja Isaa didee fi kafare

kanniin lamaanu hin qabu. Bakka Rabbiin jalaa itti dheessuus hin argatu, nama isa tiiksuu fi adabbii isarraa deebisus hin qabu. Kuni badii hojjachuu fi ajaja Rabbii faallessu irraa namaaf akeekachiisa taâ€™TMa. Yommuu adabbiin Isaa namoota irratti buâ€™TMuu Rabbiin alatti kan isaan eegu fi adabbii isaan irraa deebisu hin argatan. Kanaafu, Rabbii oltaâ€™TMaa faallessu irraa of eeggachu barbaachisa.

Kaafironni bakka Rabbiin jalaa itti dheessanii fi nama isaan tiiksuu fi adabbii isaan irraa deebisu erga hin qabaanne, rahmata Isaa irraa abdii muratu. Kanaafi, itti aanse ni jedhe:

وَالَّذِينَ كَفَرُوا بِآيَاتِ اللَّهِ وَلِقَائِهِ أُولَٰئِكَ يَكُونُونَ مِنْ رَحْمَتِي
وَأُولَٰئِكَ لَهُمْ عَذَابٌ أَلِيمٌ

â€œWarroonni aayaata Rabbiitti fi qunnamti Isaatti kafaran, isaan sun rahmata Kiyya irraa abdii muratan. Isaan sun adabbii laalessaatu isaaniif jira.â€• Suuratu Al-Ankabuut 29:23

Kana jechuun namoonni Qurâ€™TMaanaa fi duâ€™TMaan booda kaafamutti amanuu didan, isaan sun Aakhiratti yommuu adabbii cimaa isaaniif qophaaâ€™TMe argan rahmata Kiyya irraa abdii muratu. Isaan suni adabbii nama dhukkubsutu isaaniif jira.[\[5\]](#)

Asi olitti aayaanni Qurâ€™TMaanas taâ€™TMuu dandaâ€™TMa wantoota Rabbiin samii fi dachii keessatti uumes taâ€™TMuu dandaâ€™TMa. Sababni isaas, aayaata jechuun mallattoolee gara wanta tokkootti akeekaniidha. Uumamtoonni samii fi dachii keessa jiran gara jiraachu Khaaliqaa fi sifaata (amaloota) Isaa akeeku.

â€œQunnamti Isaaâ€• -â€~duâ€™TMaan booda kaafamuttiâ€™TM jenne kan hiikneef qunnamtin Rabbii duâ€™TMaan booda erga kaafamanii waan adeemsifamuufi. Namni duâ€™TMaan booda kaafamutti hin amanne, Rabbiin wal qunnamuutti hin amanu.[\[6\]](#)

Jazaan aayaata Rabbii kijibsiisuu fi duâ€™TMaan booda kaafamutti amanuu dhiisuu rahmata Rabbii irraa abdii murachuu fi adabbii laalessaadha. Kana jechuun sababa isaan Qurâ€™TMaanatti kafaranii fi duâ€™TMaan booda kaafamutti amanuu didaniif rahmata irraa abdii murachu fi adabbii laalessaan isaaniif male.[\[7\]](#) Sababni isaas, namoonni kunniin Qurâ€™TMaanatti amananii wanta rahmata Rabbiitti isaan geessu hin hojjanne. Ammas, duâ€™TMaan booda kaafamutti amananii shirkii fi badii irraa of hin qabne.

Kitabban wabii:

- [\[1\]](#) Tafsiir Muyassar-398
- [\[2\]](#) Tafsiir Qurâ€™TMaanil Kariim-Suuratu Ankabuut-fuula 88, Ibn Useymiin
- [\[3\]](#) Madda olii fuula 95-96
- [\[4\]](#) Tafsiir Tahriir wa Tanwiir-20/232-233
- [\[5\]](#) Zaadul Masiir-1080, Tafsiir Xabarii-18/380
- [\[6\]](#) Tafsiir Qurâ€™TMaanil Kariim-Suuratu Ankabuut-fuula 101, Ibn Useymiin
- [\[7\]](#) Madda olii, Tafsiir Tahriir wa Tanwiir-20/233

Date Created

July 26, 2020

Author
admin